




Ad hoc komisija Parlamentarne skupštine
Bosne i Hercegovine za sprovođenje postupka
imenovanja Savjeta Regulatorne agencije za
komunikacije Bosne i Hercegovine

Ad hoc komisija Parlamentarne skupštine
Bosne i Hercegovine za provođenje postupka
imenovanja Vijeća Regulatorne agencije za
komunikacije Bosne i Hercegovine

Ad hoc povjerenstvo Parlamentarne skupštine
Bosne i Hercegovine za provedbu
postupka imenovanja Vijeća Regulatorne agencije za
komunikacije Bosne i Hercegovine

Broj: 01.02-50-14-556-5/13
Sarajevo, 12.9.2013.



**KOLEGIJ PREDSTAVNIČKOG DOMA
KOLEGIJ DOMA NARODA**

Na osnovu člana 31. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06, 91/07, 87/09 i 28/12), člana 35. Poslovnika Doma naroda Parlamentarne skupštine BiH („Službeni glasnik BiH“, br. 33/06, 41/06, 91/06 i 91/07) i člana 39. stav (4) Zakona o komunikacijama („Službeni glasnik BiH“, br. 31/03, 75/06, 32/10 i 98/12), Ad hoc komisija Parlamentarne skupštine BiH za provođenje postupka imenovanja članova Vijeća Regulatorne agencije za komunikacije BiH na 5. sjednici, održanoj 12.9.2013., usvojila je sljedeći

IZVJEŠTAJ

o utvrđivanju rang-liste 14 kandidata za članove Vijeća Regulatorne agencije za komunikacije Bosne i Hercegovine

I. Imenovanje članova Ad hoc komisije Parlamentarne skupštine BiH za provođenje postupka imenovanja članova Vijeća Regulatorne agencije za komunikacije BiH

Parlamentarna skupština BiH je na 28. sjednici Doma naroda, održanoj 16.4.2013., i na 47. sjednici Predstavničkog doma, održanoj 18.4.2013, imenovala članove Ad hoc komisije Parlamentarne skupštine BiH za provođenje postupka imenovanja članova Vijeća Regulatorne agencije za komunikacije BiH (u daljnjem tekstu: Komisija), i to: Darka Babalja iz Predstavničkog doma, Borjanu Krišto iz Doma naroda Parlamentarne skupštine BiH, Mehmeda Agovića iz Ministarstva komunikacija i prometa BiH, te Lejlu Turčilo, Ivana Vukoju i Draganu Dardić, predstavnici nevladinog sektora.

Odluka o imenovanju Komisije objavljena je u „Službenom glasniku BiH“, br. 32/13.

II. Zadaci i hronologija rada Komisije

Na osnovu člana 39. stav (4) Zakona o komunikacijama i u skladu sa standardima i rokovima propisanim Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Sl. glasnik BiH“, broj 37/03), zadatak Komisije je da objavi javni konkurs i nakon provedene procedure utvrdi rang-listu 14 najuspješnijih kandidata koju dostavlja Vijeću ministara BiH.

Kako bi realizirala svoje zadatke, Komisija je održala pet sjednica.

Konstituirajuća sjednica održana je 20.5.2013. Na ovoj sjednici članovi Komisije jednoglasno su za predsjedavajućeg izabrali Darka Babalja, za prvu zamjenicu predsjedavajućeg Lejlu Turčilo, te za drugu zamjenicu predsjedavajućeg Borjanu Krišto. Komisija je na 2. sjednici, održanoj 20.5.2013., donijela Odluku o objavljivanju Javnog konkursa za provođenje postupka imenovanja članova Vijeća Regulatorne agencije za komunikacije BiH. Javni konkurs objavljen je u „Službenom glasniku BiH“, broj 43, od 4.6.2013., „Službenom glasniku Brčko Distrikta BiH“ 6.6.2013. i na veb-stranici Parlamentarne skupštine BiH 4.6.2013. Obavještenje o Javnom konkursu objavljeno je u „Dnevnom avazu“ i „Nezavisnim novinama“ 4.6.2013., a u „Večernjem listu“ 5.6.2013.

III. Prijavljeni kandidati, utvrđivanje ispravnosti dostavljene dokumentacije i intervju

Komisija je na 3. sjednici, održanoj 10.7.2013., konstatirala da su se na Javni konkurs prijavila 34 kandidata, te je nakon provjere formalno-pravne valjanosti, blagovremenosti i kompletnosti prijave kandidata prijava jednog kandidata odbačena kao neblagovremena, a četiri prijave odbačene su kao neuredne, jer dokumenti koji su dostavljeni nisu bili u skladu s traženim uslovima konkursa. Komisija je utvrdila da 29 kandidata ispunjava sve formalne uslove i oni su pozvani na intervju.

Cilj intervju bio je da se utvrdi stručnost i osposobljenost kandidata za obavljanje traženih zadataka. Pitanja na intervju odnosila su se na provjeru podataka iz biografije, pojašnjenje u vezi sa ispunjavanjem uslova javnog konkursa, posebnim stručnim zvanjima, vještinama i ostvarenim rezultatima, priznanjima i iskustvima iz oblasti emitiranja i telekomunikacija. Ocjene članova Komisije za svakog kandidata sabirale su se pojedinačno i dijelile s brojem članova. Komisija je na 4. sjednici, održanoj 5.9.2013., obavila intervju s 28 kandidata.

IV. Utvrđivanje prijedloga rang-liste kandidata

Prilikom sačinjavanja rang-liste kandidata Komisija je poštovala princip nacionalne zastupljenosti, kako je to predviđeno članom 3. stav (2) tačka (e) Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine, kao i ravnopravnu zastupljenost spolova, u skladu s članom 36. stav (4) Zakona o komunikacijama.


Na osnovu ranije konstatiranog, Komisija je na 5. sjednici, održanoj 12.9.2013., utvrdila rang-listu najuspješnijih kandidata, kako slijedi:

Red. broj	Ime i prezime kandidata	Nacionalnost	Broj bodova
1.	Zoran Tomić	Hrvat	50
2.	Marija Milić	Srpkinja	48
3.	Faruk Borić	Bosanac	44
4.	Ljubo Božović	Srbin	43
5.	Nino Ćorić	Hrvat	43
6.	Plamenko Čustović	Bošnjak	42
7.	Jovo Pavlović	Srbin	40
8.	Emir Vajzović	Bošnjak	39
9.	Josip Blažević	Hrvat	38
10.	Miloš Šolaja	Srbin	38
11.	Mirza Milišić	Bošnjak	36
12.	Miroslav Džidić	Hrvat	35,5
13.	Borislav Kontić	Crnogorac	34,5
14.	Slobodan Bošković	Crnogorac	25

Komisija dostavlja rang-listu kandidata za članove Vijeća Regulatorne agencije za komunikacije BiH Vijeću ministara BiH na daljnji postupak, kako bi Vijeće, u skladu s članom 39. stav (5) Zakona o komunikacijama („Službeni glasnik BiH“, br. 31/03, 75/06, 32/10 i 98/12), u roku od 30 dana od dana prijema liste dostavilo Parlamentarnoj skupštini BiH prijedlog za imenovanje sedam članova Vijeća Agencije.

Dostaviti:

- naslovu
- a/a



PREDSJEDAVAJUĆI KOMISIJE

Darko Babalj